

## **Professorimik University of Hawaiiimeersumik suleqatiginnilerneq pillugu ilisimatitsissut**

Ilisimatitsissut

J.nr.: 44.00

Meeqqanut Atuarfeqarnermullu Ingerlatsivik – Pisortaq Lone Nukaaraq Møller / LNM

### **Suliassamik eqikkaaneq**

Inerisaaviusimasoq aamma Ilinniartitaanermut Aqutsisoqarfik 2008-miilli Dr. Yamauchi sulisuilu suleqatigilerpaat, tassuuna anguniagalimmik imaqarluartunillu meeqqanut sammisassaqartitsinernik suliaqarniarlutik, perorsaanerme Tunngaviit 1-7 suleqatiginnermi ilaatinneqarput.

Tunngaviit taakkuupput sulisut imaqarluartunik anguniagalimmillu meeqqanut sammisassaqartitsinermi sakkussat, (Inatsisartut inatsisaat nr. 16, kap. 1, §1 aamma § 2; 1-5). Tunngaviit kalaallit kulturiannut naleqqussarlugit ineriartortitaapput.

Dr. Yamauchi sulisuilu Ilisimatusarnermi Diplom aamma masterinngorniarnermi perorsaasunngornianut atuartitsiartortitatut sulisimapput, tassani Ilinniartitaanermut Aqutsisoqarfik aamma ulluunerani neqeroorutitut tunngasunik maannakkut Fagchefiusoq suleqatigineqarluni. Dr. Yamauchi, ineriartornikkut tarnip pissusiinik immikkut ilisimasalik aamma University of Hawaiiimi professoriusoq, qaammatini pingasuni nammineq kajumissuseq aallaavigalugu piffissami 2021-mi aggstumiit oktobari ilanngullugu sulinissamik Kommuneqarfik Sermersuumut neqerooruteqarsimavoq, tassunga ilanngullugu Atuarfeqarnermut Immikkoortortaq aamma Ulluunerani neqeroorutit.

Suliaq Meeqqanut Ilaqutariinnullu Ataatsimiititami 09. septembari 2020-imi oqaluuserineqarpoq, ataatsimiititap ilisimatitsissut tusaatissatut tiguaa suliarlu Aningaasaqarnermut Inuussutissarsiornermullu Ataatsimiititamat kiisalu Kommunalbestyrelsimut ilisimatitsissutitut ingerlateqqillugu.

Suliaq Aningaasaqarnermut Inuussutissarsiornermullu Ataatsimiititap ulloq 23.septembari 2020-mi ataatsimiinnerani oqaluuserineqarpoq, ataatsimiititalu ilisimatitsissut tusaatissatut tiguaa Kommunalbestyrelsimullu ilisimatitsissutitut ingerlateqqillugu.

### **Inassuteqaat**

Aningaasaqarnermut Inuussutissarsiornermullu Ataatsimiititap Kommunalbestyrelsimut inassuteqaatigaa:

- ilisimatitsissut tusaatissatut tiguneqassasoq

### **Suliamik saqqummiussineq**

Meeqqanut Atuarfeqarnermullu Ingerlatsiviup University of Hawaiiimi ineriartornikkut tarnip pissusiinik immikkut ilisimasalik professoriusorlu Dr. Lois A. Yamauchi isumaqatigiissusiorfigaa. Isumaqatigiissut nammineq kajumissutsimik tunngaveqarpoq, taannalu piffissami 2021-mi aggstumiit oktobari ilanngullugu Nuummiissaaq.

Ilinniartitaanermut Aqutsisoqarfik kommunit suleqatigalugit Nunatsinni meeqqerivinni tamani Tunngaviit atorneqalernissaannut pikkorissartitsinernik coachingimillu ingerlatsinikuuvoq. Kommuneqarfik Sermersuumi meeqqeriviit Tunngavinnik atuisut arlalialussuupput, tamakkiisumilli atornissaannut atuutilersinneqarnissaannullu ilitsersorneqarnissamik coachingimillu sulii pisariaqartitsillutik.

**Dr. Yamauchip nammineq kajumissutsiminik qaammatini pingasuni Kommuneqarfik Sermersuumiinnermini suliassai:**

- Perorsaannermi iliuusissamik pilersaarusiormik ilinniartitsineq, ikorfartuineq coacherinerlu aamma angajoqqaat suleqatigalugit meeqqanik immikkut pisariaqartitalinnik sapinngisamik pitsaanerpaamik ikorfartuinissamik qanoq pilersaarusiortoqarsinnaanersoq. Tassunga ilanngunneqassallutik misissuinermi atortussat.
- Tunngaviit atornissaannut meeqqerivinni aqutsisunik sulisuinillu ilinniartitsineq coacherinerlu. Tassunga ilanngunneqassallutik misissuinermi atortussat.
- Perorsaannermik siunnersortinik suliniummik ilisimatusarnermik ilinniartitsineq ilitsersuinerlu, taanna meeqqerivimmik tamarmiusumik perorsaannermik ineriartortitsinissamut periuusiuvoq.
- Fagchef Naussunguaq Lyberth meeqqerivinni perorsaannermik sulinermik nalilersuineq misissuinerlu pillugit ilisimatittarlugu, coachertarlugu suleqatigalugulu.

*Aaqqiissutissatut siunnersuut – suliatigut naliliineq*

Kommuneqarfik Sermersuumi meeqqanut immikkut pisariaqartitsisunut ikorfartortinik arlalinnik peqarpoq. Ikorfartortitut sulisut tassaagajupput perorsaannermik ilinniagaqarsimanngitsut, taamaattumillu meeqqanik ikorfartuinissaannut ilitsersuerusuppoq, coachererusuppoq sakkussaanillu suliaqarusulluni.

Ulluunerani neqeroorutitut immikkoortoqarfik nalilersuilluni aallartikkusuppoq, malitsigisaanillu meeqqerivinni ulluinnarni perorsaannermik sulerusiinik misissuerusulluni. Ulluunerani neqeroorutitut immikkoortoqarfik paasissutissanut tunngatillugu paasissutissanik katersueriaatsimut misissueriaatsimullu isumasioqateqarnissamik pisariaqartitsivoq, taamaalilluni ineriartuutissanik pilersaarusiorneq pisinnaaqullugu kiisalu pisariaqartutigit ilinniaqqinnissamut pikkorissarnissamullu suliniutit aallartissinnaaqullugit.

*Aningaasatigut sulisoqarnikkullu naliliinerit*

Dr. Yamauchi nammineq kajumissutsini aallaavigalugu sulerusuppoq, taamaattumillu ingerlatsivimmit akissarsiaqartinneqartussaananani. Kommuneqarfik Sermersuumut angalanera tassaniinneranilu aningaasartuutit allat Amerikamiut aallartitaqarfianut tapiiffigineqarnissamik qinnuteqaatigineqassapput, tassungalu innersuussutigineqassalluni Igalikumi isumaqatigiissut.

*Inatsisitigut tunngavissaq allakkallu tunngaviusumik uppersaartitallit*

- Meeqqanut suli atualinngitsunut perorsaannerikkut inerikkiartuutaasunik ulluunerani neqeroorutit pillugit Inatsisartut inatsisissaattut siunnersuut nr. 16, 3. december 2012-meersoq

*Ingerlariaqqinnissaq*

Qaammatit pingasut tassaneereernerme aamma Dr. Yamauchip neqeroorutigaa kommunimik suleqateqarneq najukkaminiit ingerlatiinnassallugu, tamannalu aamma kommunimut aningaasartuutaassanngitsaq.

**Aningaasaqarnermut Allatseqarfimmit oqaaseqaatit**

Pisariaqanngilaq.

**Innuttaasunik peqataatitsineq/attaveqaatigiinneq**

Pisariaqanngilaq.

**Ingerlatsivinnit allaniit oqaaseqaatigineqartut**

Pisariaqanngilaq.

**Siusinnerusukkut aalajangiinerit:**

*Meeqqanut Atuarfeqarnermullu Ataatsimiititap 09. september 2020-mi aalajangiinera:*  
Inassuteqaat akuersissutigineqarpoq

*Aningaasaqarnermut Inuussutissarsiornermullu Ataatsimiititap aalajangenera ulloq septembarip 23-iani 2020:*  
Inassuteqaat akuersissutigineqarpoq.

**Ilangussat**

1. Suliassartaanut takussutissiaq